



**R.P. Petri Leurenii Societatis Jesu, SS. Theologiæ
Doctoris, & SS. Canonum Professoris Vicarius Episcopalis,
Sive Tractatus Quaternarius Per Quæstiones & Responsa
Canonica Deductus**

Leuren, Peter

Coloniae Agrippinae, 1708

649. An mulctas pecuniarias à se impositas sibi applicare possit.

[urn:nbn:de:hbz:466:1-74203](#)

vando novam penam adjungere possit, pro quo Dript. citat gl. in Clem. Romani. v. tolli. de eccl. quod tamen ipsum salvâ rati viri autoritate sit Dript. se non probare; ne, si præter penam juris, quæ supponitur iusta & delicto conveniens, superaddatur nova, videatur bis in idipsum puniri delictum.

4. Item adhuc magis dubitatur, num, dum pro crimen imposita est à jure pena alia quam pecuniaria, Archidiaconus illam mutare possit in pecuniariam. De Judice alio superiori, qui habet potestatem dispensandi in crimen v. g. Episcopo juxta c. at si Clerici. §. de adulter. de Jud. admittitur ordinarii id eum posse, etiam post latam sententiam, & pro hoc à Dript. citantur Butrio. Host. Felin. Anchar. in cit. c. at si. Quia & post sententiam condemnatoriam pronuntiam (in genere loquendo) posse Judicem ecclesiasticum, sive is Ordinarius sive delegatus sit, dum adhuc sedet pro tribunali in conciente pecuniam à jure impositam permutare juxta legem, quæ vult Judicem secundum qualitatem posse penam arbitrari & temperare; id vero non posse Judicem delegatum post diu latam sententiam, qui ex facultate dispensanda caret, ex Fagn. attuit Dript. vide dicta de hoc de Vicario Generali Episcopi, quæ à fortiore locum habent in Archidiacono.

Quæstio 649. Num multas pecuniarias à se impositas sibi applicare, seu in suum usum convertere possit Archidiaconus.

1. Resp. negativè. Sed ex piis locis aut usibus impendenda. Hostiens. in c. irrefragabil. de off. Ordinar. num. 2. vers. Caveat tamen, ubi dicit evendum esse Pralatis ecclesiasticis, ne penas pecuniarias in piis usus convertendas sibi inbursent; quia tunc vehementer præsumuerentur id facere non ad correctionem, sed ad quantum. Gemin. in c. si Canonico §. licet. a. n. 4. de off. Ordinar. in 6. Covar. l. 3. Var. resol. c. 9. & hæc juxta expressum præceptum Tridentini sess. 25. c. 3. de Reform. ubi postquam dixisset: licet Judicibus ecclesiasticis per multas pecuniarias procedere: hanc adjicit conditionem: ita tamen, ut dicta multæ pecuniarie locis piis ibi existentibus eo ipso, quod exacte fuerint assignari debeant. Ex quibus etiam infert Barbos. citans pro hoc Piaceti. in pr. Episc. Episcopum (idem ut recte addit Dript. est de Archidiacono) ne quidem posse convertere illas multas in usum fabricæ Ecclesie Cathedralis, aut etiam in mercedem seu salarium Vicarii sui Generalis aliorumve Officialium Curia. De quo vide dicta à nobis supra, ut de Salario Vicarii Generali ubi etiam dictum, ne quidem consuetudinem ad hoc suffragati, sed quod, ut Fagn. S. Congreg. Concil. declaravit istiusmodi penas pecuniarias ab Episcopis piis usibus applicandas, contraria consuetudine non obstante. Quidquid fit de eo, num talis consuetudo vergat in grave præjudicium pauperum & piorum locorum, quibus tales multæ de jure debitæ occasione talis consuetudinis subtrahantur. unde gravissime peccare primos autores talis consuetudinis piis locis injuriosa sit Dript. loc. cit. a. 5. quidquid inquam sit de hoc, cum tales multæ, eti dicantur applicare.

P. Leuren. Tract. IV. De Archidiacono.

canda piis locis, non propter ea ita debesentur illis, ut aliò eas convertendo illis fiat injuria, non fecus ac, licet dicantur superflua Clericorum eroganda pauperibus, non statim ex eo illis ad ea jus nascitur strictum, ut per subtractionem seu non erogationem illorum in eos dicatur iis fieri injuria. Quin potius dicatur consuetudinem telem improbari, quia fomes est avaritiae & cupiditatis. Jam vero si tales multæ ne quidem ab Episcopo converti possunt in salarium Vicarii aut Officialium, inquit minus Episcopus vel etiam Vicarius ipse aut Archidiaconus eas sibi applicare poterit.

2. Illud forte aliqua ratione in contrarium facere videri posset, quod in c. dilectus filius. de off. Jud. ordinari. haberetur, ubi Abbas Rhomagenis, ad quem pertinebat citatio hominum quinque parochiarum, item examinatio & decisio cumulativè tamen cum Episcopo Venetensi, postquam exposuisset Papæ, ab antiquo pertinere ad suum monasterium tertiam partem emendarum, quas homines istarum quinque parochiarum pro suis excessibus solvere compellebantur, (super quo ab Episcopo dicto molestabatur) hoc ipsum ei à Pontifice non fuit abdicatum. Ex quo inferri videtur, posse Judicem ecclesiasticum applicare sibi saltem partem penarum pecuniariarum provenientium ex spirituali jurisdictione, stante saltem antiqua consuetudine. Sed quid si dicatur, ex speciali Papæ concessione id deinceps permisum illi Abbati? aut jam antiquitus observasse illi ex privilegio Apostolico, quod indubito & audacter pretendere poterat, ubi illa consuetudo erat immemorialis, quia immemorialitas possessionis illam virtutem habet, ut vi illius presumatur titulus sufficiens, & allegari possit optimus titulus de mundo, vel si dicatur, dictum Pralatum re ipsa applicuisse dictam multam locis & usibus piis, dum non sua mensa Abbatiali, sed seu monasterio seu Conventu Religiosorum suorum sustentationi applicaret, sive de cetero monasterium illud fuerit dives siue egens. Vel denique si dicatur, Tridentinum juxta memoratam S. Congregationis declaracionem consuetudines istiusmodi deinceps, ne nascerentur, impedivisse. Quod vero in confirmationem benignioris hujus opinionis assert Laur. Dript. nimirum; quod licet Judex ordinarius astringatur ad gratis reddendum officium argumento c. ad Apostolicam. §. fin. de Simon. & juxta Holt. ibidem num. 3. v. acemenda. posse tamen cum sportulas levare juxta eundem Holt. in c. cum ab omni specie. num. 2. de vita & honest. cleric. id inquam parum ad rem facit, dum ejusmodi sportula non sumuntur ex dictis multis pecuniariis.

3. De cetero, dum Episcopus aliisque Pralati ecclesiastici, & inter hos Archidiaconi, qui tales multas imponere possunt, ipsi verè ac evidenter egerint, poterunt illas sibi ipsis applicare, & in propriis necessitatibus convertere, Holt. in cit. c. irrefragabil. Jo. And. Felin. But. Gemin. aliisque citati à Fagn. in c. grave. de off. Ordinar. non fecus ac obligatus facere elemosynam nomine alterius sibi ipsis, vel etiam consanguineis suis, si ipse, aut consanguinei evidenter egerint, applicare potest juxta D. Thom. in 4. sent. dist. 8. q. 2. n. 2. Abb. Felin. &c. Cum hac tamen adhuc distinctione, ut id possit Judex talis ecclesiasticus

quò ad eas multas; quæ à sacris Canonibus vel statutis Synodalibus pro delictis ad rectam quantitatem præfinitæ. Secus verò sit de iis, quæ ejus arbitrio; vel per sententiam, nulla præcedente Canonum vel statutorum synodalium determinatione; ed quòd hæ adhuc pliis locis vel usibus sint applicandæ. Fagn. loc. cit. & ex eo Dript. juxta quod sapius censuit S. Congregatio. Quin & hac ratione penas non Residentium & concubiniorum applicandas in hoc casu (nempe ipso Judice ecclesiastico egente) adhuc pliis locis tradit Barbos ex decreto Concilii; sic deci- sum referente Aldan. incompend. resolut. l. 5. tit. 1. num. 8.

Quæstio 650. An, & qualiter Archidiaconus ferre possit censuras, & in specie an possit excommunicare?

1. **R**esp. primò. Ex antiqua & primæva institutione Archidiaconi potestatē ferendi censuras, & nominatim excommunicationem non habebant; quia olim seu primitus tantum rerum ecclesiasticorum custodia & administratio, nulla autem jurisdictione aut cura animarum eidem commissa fuit. Laym. ad t. Archidiacono. b. t. Pirk. ad b. t. num. 14.

2. Resp. secundò. Sed & postmodum, dum progrederente tempore major evasit Archidiaconi potestas, ita ut & curam animarum haberet, ut constat ex c. cùm in cunctis. de elect. & jurisdictionem ordinariam fori externi in alios clericos c. 1. & 7. h. t. Quin & excommunicare & censuras ferre posset, ut manifestè constat ex c. du- dum. de elect. & c. 1. de eo, qui furtivè ordin. suscep. & ibi gl. v. Archidiaconum. Adhuc tamen hanc potestatē excommunicandi, aliisque censuras ferendi non tam de jure communī habuit aut modo habet, quam vel ex speciali Episcopi commissione, vel ex consuetudine legitimè præscripta. Laym. loc. cit. Barbos. Jur. eccl. l. 1. c. 24. num. 29, ubi ait: Archidiaconus censuras impo- nit, non tamen sine Episcopi autoritate (pro quo citat Galgan. de Jur. publ. l. 3. tit. 2. num. 6.) velex speciali consuetudine; non autem nomi- ne proprio, pro quo citat Zech. der. rep. eccl. tit. 24. num. 13. Suar. de censur. d. 2. l. 2. num. 9. Ant. Fabric. in pr. benef. tit. de benef. cum dignit. num. 24. &c. Pirk. cit. num. 14. ubi: valde probabile est, quòd Archidiaconus non jure communī, sed solum vel ex speciali commissione Episcopi, quo sensu accipiendo cit. c. 1. de eo quifurtive, ord. vel ex consuetudine legitimè præscripta excom- municare possit, aliisque censuras inferre juxta gl. in c. Archidiacono b. t. v. promulgare & ibidem Abb. num. 1. Et clarissimè Azor. Inst. mor. l. 3. c. 14. q. 3. ubi: Archidiaconus jure communī non habet potestatem excommunicandi, suspensi- dendī, sacrī interdicendi, & hoc est, quod volunt jura in c. Archidiacono. de off. Archid. potest tamen habere Episcopi autoritate demandatam & commissam, aut consuetudine compararam, quam habebat olim Archidiaconus Ambianen- sis, ut constat ex c. duadum. de elect. ita ille. Sed neque ex eo, quòd de jure communī curam illam animarum consistentem in jurisdictione fori externi habeat, sequitur, habere quoque eum de jure communī potestatē censuras ferendi,

Nam licet Laym. Theol. mor. l. 1. trād. 5. p. 1. c. 3. dicat ad hanc jurisdictionem spectare, posse inobedientes penas ac censuris coercere, nū tamen verat dicere, jurisdictionem illam non ita complè acceptam ei de jure communī competere, argumento nimis aliorum textuum citatorum. Idque satis exprimit Azor, dum post paulò antè citata ejus verba mox subjicit: jure itaque communī Archidiaconus habet curam animarum, quæ possit clericos corriger, eorum jurgia & causas audire, delicta ad Episcopum defarre. Atque ita tota res hæc pendet à consuetudine. Laym. loc. cit. citans c. legimus. 24. dist. 93.

Quæstio 651. An, & qualiter visitare possit Archidiaconus?

1. **R**esp. primò. De jure communī competit ei potestas visitandi, ut constat ex c. 1. & b. t. estque visitatio hæc præcipuus ferè puntum officii ac jurisdictionis Archidiaconalis, tam salutaris, ut rectè inquit Laur. Dript. quæ necessaria, dum per illam Episcopis rite impen- sam subsidiariam operam omnis Concilii Tridentini quòd hæresum & pravorum dogma- tum eradicationem, corruptorum morum cor- rectionem, cultus & honoris divini promotionem intentio efficacissimè ad effectum deducitur.

2. Resp. secundò circa hanc visitationem statuitur primò c. 1. b. t. ut Archidiaconus de tertio in tertium annum (hoc est, saltem tertio quoque anno) si Episcopus non potest paræciam universam (hoc est totam Diœcesim, ut Pirk. ad. b. t. n. 8.) circumeat, & cuncta, quæ emendatione indigent, ad vicem Episcopi sui corrigat & emendet. Verumtamen jure novo Tridentini sess. 24. c. 3. statuitur, ut Episcopi propriam Diœcesim per seipso, aut si legitimè impediti fuerint, per suum Vicarium Generalem aut visitatorem, si quotannis totam proprie ejus latitudinem visitare non poterunt, saltem majorem ejus partem, ita tamen, ut toto biennio per se vel visitatores suos compleat, visitare noui prætermittant.

3. Statuitur secundò à Trid. loc. cit. quòd Archidiaconi, Decani, & alii inferiores in suis ecclesiis, ubi hæc tenus visitationem exercere legitimè consueverunt, debeant deinceps assumptò Notario de consenti Episcopi ibidem visitare per seipso. Unde apparet in hoc differen- tia inter Episcopum & Archidiaconum; nempe quòd Episcopus languore detenus, aut aliis occupationibus implicatus visitatorem personaliter explore nequiverit, possit per suum Generalem Vicarium aut visitatorem expedire. Archidiaconi autem per seipso tantum visitare possint, etiam in casu legitimi impedimenti, ut clare ostendit adversativa illa: Archidiaconi autem; nec non taxativè per seipso tantum Fagn. in c. procurations. de censibus. n. 9. ubi etiam rationem bujus differentiæ addit, & num. 10. subdit; hinc Archidiacono suum Archidiaconatum per alium visitare volenti ex S. Congregat. sententia prohibere Episcopum, non obstante, quòd ex immemoriali consuetudine ipse & prædecessores sui per alium visitarint. Ex quibus Fagnani verbis inquit Laurent. Dript. in Spec. Archidiacon. 4. 9. à contrario sensu elici posse